

Na osnovu člana 1., člana 3. stav (3) i člana 6. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili Općine, u javnim ustanovama i javnim preduzećima čiji su osnivači Kanton, Grad ili Općina, te u privrednim društvima u kojima Kanton, Grad ili Općina učestvuju sa više od 50% ukupnog kapitala („Službene novine Kantona Sarajevo“, br. 9/19 i 21/19), Odluke Ministarstva kulture i sporta Kantona Sarajevo broj: 12-34-44646/1/20 od 07.04.2020.godine o davanju saglasnosti Javnoj ustanovi Muzej „Alija Izetbegović“ Sarajevo za popunu upražnjenih radnih mjesta na određeno vrijeme, člana 10. Pravilnika o unutrašnjoj organizaciji i sistematizaciji poslova i radnih zadataka Javne ustanove Muzej „Alija Izetbegović“ (broj:40-02-18/15 od 23.07.2015.g.), i Odluke direktorice o sadržaju i tekstu javnog oglasa (broj:40-01-315/20 od 03.06.2020.g.) Javna ustanova Muzej „Alija Izetbegović“ raspisuje

JAVNI OGLAS za popunu radnog mjesta u JU Muzej „Alija Izetbegović“

Osnovni podaci o pravnom licu koje objavljuje javni oglas:

Naziv: Javna ustanova Muzej „Alija Izetbegović“

Sjedište: Ploča br.2 (Kapi -kule), Stari Grad, Sarajevo

Internet adresa: www.muzejalijaizetbegovic.ba

Telefon kontakt osobe za dodatna obavještenja: 033/ 574-271

I NAZIV RADNOG MJESTA:

- 1. Istraživač – naučni radnik o liku i djelu Alije Izetbegovića** – jedan (1) izvršilac na određeno vrijeme, najduže do godinu dana

II USLOVI OGLASA

Kandidat je dužan ispunjavati opće i posebne uslove.

Opći uslovi:

- da je državljanin Bosne i Hercegovine,
- da je stariji od 18 godina,
- da je zdravstveno sposoban,
- da nije osuđivan za krivično djelo.

Posebni uslovi:

- VSS - VII stepen – prof.historije i komparativne književnosti ili bakalaureat/bachelor – historije i komparativne književnosti sa ostvarenih 240 bodova ECTS studijskih bodova, ili magistar historije i komparativne književnosti ili bakalaureat/bachelor – magistar historije i komparativne književnosti sa ostvarenih 300 bodova, ili magistar društvenog smjera sa ostvarenih 300 studijskih bodova,
- radno iskustvo u struci od jedne godine,
- aktivno znanje jednog svjetskog jezika

Opis posla:

- Obavlja poslove iz djelatnosti muzeja na prikupljenoj obradi i čuvanju
- prati novi pristup dokumentacije (stručna literatura i realizacija novih sistema dokumentacije) primanje ih u dokumentaciju Muzeja
- formira pomoćne kartone po različitim principima kojima se omogućava bolje korištenje svih fondova muzeja (predmeta ilustrativnog i arhivskog materijala)
- tehnički urednik publikacija i priloga muzeja

- vodi poslove kompjuterizacije zbirke Muzeja
- sarađuje sa dokumentacionim centrima drugih muzeja ICOM-om radi ujednačavanja dokumentacije na nivou Bosne i Hercegovine i šire,
- objavljuje rezultate rada iz oblasti u građi Muzeja i drugim stručnim časopisima
- učestvuje u stručnim projektima (arhivska izložbena i druga istraživanja Muzeja)
- učestvuje na stručno naučnim skupovima sa referentima i saopštenjima iz oblasti dokumentacije
- učestvuje u pripremi svih muzejskih izložbi;
- obavlja i druge poslove po nalogu direktora

Iznos osnovne neto plate iznosi 1.165,50 KM

Mjesto rada: Javna ustanova Muzej „Alija Izetbegović“, sjedište Ploča br.2 ili izvan sjedišta ukoliko zahtjeva priroda posla

Radno vrijeme: puno radno vrijeme u trajanju od 40 sati sedmično

III SADRŽAJ PRIJAVE

Kandidat je dužan dostaviti sljedeću dokumentaciju:

1. Prijavu
2. Kraću biografiju
3. Uvjerenje o državljanstvu
4. Izvod iz matične knjige rođenih
5. Diplomu o završenoj stručnoj spremi
6. Potvrda o radnom iskustvu
7. Dokaz o poznavanju jednog svjetskog jezika (potvrda, uvjerenje ili certifikat)
8. Potvrdu/Uvjerenje kojim se dokazuje prednost pri zapošljavanju (za kandidate koji imaju prednost u zapošljavanju po posebnom zakonu)

Tražene dokumente za radno mjesto potrebno priložiti u originalu ili ovjerenoj kopiji.

Napomena: Izabrani kandidati će naknadno dostaviti ljekarsko uvjerenje i uvjerenje nadležnog suda da nije potvrđena optužnica ili izrečena pravosnažna presuda ili mjera za krivično djelo za koje se može izreći kazna zatvora u trajanju od tri mjeseca i više (ne starije od tri mjeseca), nakon što budu obaviješteni o izboru.

IV NAČIN DOSTAVLJANJA PRIJAVE

Prijavu sa traženim dokumentima dostaviti lično ili poštom preporučeno u zatvorenoj koverti na adresu: JU Muzej „Alija Izetbegović“, ul. Evlije Čelebije bb, Sarajevo, sa naznakom:

„Prijava na javni oglas za popunu radnog mjesta „Istraživač – naučni radnik o liku i djelu Alije Izetbegovića“ u JU Muzej „Alija Izetbegović“ – NE OTVARAJ“.

V ROK JAVNOG OGLASA

Oglas ostaje otvoren 10 (deset) dana od dana objavljivanja istog u dnevnim novinama „Oslobođenje“. Javni oglas će se objaviti i na web stranici JU Muzej „Alija Izetbegović“ Sarajevo www.muzejalijaizetbegovic.ba i na web stranici Javne ustanove „Služba za zapošljavanje Kantona Sarajevo“.

Nepotpune i neblagovremene prijave se neće razmatrati.

VI NAČIN I ROK OBAVJEŠTAVANJA

O rezultatima oglasa kandidati će biti pismeno obaviješteni u roku od 8 (osam) dana od dana donošenja Odluke o izboru kandidata.